


COMITATVS CATERLOGH.



Aterlogh Comitatus contracte *Carlogh* ad Orientem solem *Kilkennia Comitatus* adnectitur, totus fere inter *Birgum* sive *Barrow*, & *Slane* flumina interitus, gleba fertilis, & sylvis satis opacus, duo habet clarioris notæ opida

utrumque ad Occiduam *Birgi* fluminis ripam, *Caterlogh*, quod mœnibus armare cœpit *Leonellus Dux Clarentiæ*, & *Bellinghamus* ille laudatissimus Prorex castello communivit: & *Leightin*, Latine *Lechlinia*, ubi cathedra fuit Episcopalis *Fernensi* sedi jam adunata. Vtrumque suum habet præsidium, & suos qui præfunt Constabularios. Cumque hujus Comitatus pars maxima jure hæreditario ad *Howardos* *Norfolciæ* Duces spectaverit (qui à filia *Guilielmi Marefcalli* Comitis *Penbrochiæ* natu maxima per *Warrenia* Comites genus traxerunt) *Henricus Octavus* & ipsi & aliis Angliæ nobilibus & monasteriis Angliæ ex Ordinum regni consensu omnia eorum prædia & possessiones in Hibernia sibi arripuit, eo quod Domini eorum absentes privata per incuriam negligendo, etiam publica in periculum devocaverint.

The Statute of Absenties.

Baronia Ydron.

Hinc *Barrow* *Baroniam Ydron* intermeat, quæ ad *Carewos* *Devonios* jure spectavit, ex quo *N. de Carew* Miles Anglicus Digonis Hibernici Baronis filiam in uxorem duxerat, quamque diu à malæ fidei possessoribus occupatam *Petrus Carew* postliminii jure nostra memoria recuperavit.

Cavanaghi.

Ad *Slanam* flumen *Tullo* cernitur, memorandum hoc nomine quod *Theobaldum Butler* Comitis *Ormondia* è fratre nepotem titulo Vicecomitis *Tullo* honore nuper adornavit Rex *Iacobus*. *Cavanaghi* hic circumquaque agunt, qui à *Duvenaldo Dermicii* ultimi *Lageniæ* Regis juniore, sive notho (ut aliqui tradunt) filio oriundi, in numerosam familiam propagati, viri bellicosi, reique equestris gloria insignes, & qui antiquam adhuc in summa paupertate spirant nobilitatem. Sed ob nescio quæ invicem homicidia ante multos annos admissa capitali odio dissidentes, per mutuas injurias & clades se quotidie conficiunt. Ex his autem cum Angli quosdam suis in Hibernia possessionibus præfecissent, circa *Edwardi Secundi* tempora regionem sibi usurparunt, & *O More* nomen assumpserunt, consociatisque

O More. Ex libello Patricii Finglas.

sibi *Tolis* & *Brenis* Anglos paulatim è regione inter *Caterlogh* & mare *Hibernicum* submoverunt. Inter hos *Neorus* & *Birgus* aquas commiscunt, & pauca hinc milliaria uno alveo emensi *Suiro* sorori maximæ, & nomen & aquas offerunt suas, qui statim in Oceanum scopuloso ostio immergitur, ubi à sinistra angusta cervice excurrit promontorium quod æditam turriculam navigantibus præterdit, à *Rossensibus* mercatoribus cum floruerunt, positam, quo tutius ostia subirent.

Hooke towre.

REGINÆ COMITATVS sive QUEENES COVNTIE.



Vper *Caterlogh* ad *Circium* expanditur regiuncula sylvestris & vlginosa *Lease* *Hibernice*; *Lease*. *Queenes County* Anglice, id est, *Regina Comitatus*, à *Maria Regina* in Comitatum institutus

curante *Thoma Ratcliff* *Suffexiæ* Comite tunc Prorege qui in ordinem redegit. Vnde primum opidum *Mary-Burgh* dictus, ubi cum suo Seneschallo præfidiarii agunt qui se ægre defendunt contra *O Moores*, qui se ut antiquos hujus Dominos gerunt, *Mac-Gilpatrick*, *O Dempfios* & alios, malefica & tumultuosa hominum genera, qui ad Anglos disturbandos, & legum jugum excutiendum nihil non quotidie moliantur. Ad asperam hanc & hostilem partem domandam Meilerius cum Angli primum advenierint missus erat, cui *Hugo Lacy* qui Hiberniæ præfuit castrum apud *Tahmelio*, ut alterum apud *Obovy*, tertium ad *Barrow* fluvio & quartum apud *Norrach* erexit. Inter cætera autem præminuit *Donemays* castrum antiquum in agro uberrimo positum quod ad *Breos* Dom. de *Brecknocke* per *Evam* filiam *Guilielmi Marefcalli* Comitis *Penbrochiæ* natu minimam hæreditario accessit, & qua *Barrow* qui ex *Slew Blomey* montibus ad Occasum exortus, solitarius inter sylvas pererrat, antiquam illam urbem *RHEBAM* videt, quæ nomine etiamnum sarto tecto *Rheban* dicitur, sed pro urbe plane est, ut inquit ille, *ῥῆβαν*, paucula scilicet casulæ cum propugnaculo, nobilem tamen virum *N. de S. Michæle* Baroneti titulo ornat, qui vulgo *The Baronet of Rheban* nuncupatur.

Mary-burgh.

Done-maws.

Rheba.

Baronet de Rheban.

REGIS